

REVERENDISSIMO

ET

CELSISSIMO

S. R. I. PRINCIPI

AC DOMINO,

DOMINO

CHRISTOPHORO

FRANCISCO,

DEI GRATIA EPISCOPO

HERBIPOLENSI,

ET

FRANCIÆ ORIENTALIS


DU CI, &c.

DOMINO, DOMINO

CLEMENTISSIMO.

REVERENDISSIMO  
ET  
GELISSIMO  
S. R. I. PRINCIPIS  
AC DOMINO,  
DOMINO  
CHRISTOPHORO  
FRANCISCO,  
DEI GRATIA EPISCOPO  
HERBIPOLENSI,  
ET  
FRANCIE ORIENTALIS  
DUCI &c  
DOMINO, DOMINO  
CLEMENTISSIMO





REVERENDISSIME  
ET  
CELSISSIME  
PRINCEPS,  
DOMINE, DOMINE  
CLEMENTISSIME.



*Præfatus, quem sub exordium Gloriosissimi Regimi-  
nis TUI, cudi fecisti, Nummus aureus, No-  
bile Principalis Sapientiæ & Clementiæ TUÆ  
Symbolum exhibet, melleum nimirum Apum  
exercitum, ad prævoli Regis nutum, leni ala-  
rum plausu Alveari appropinquantem. Quid enim mitis ille si-  
ne aculeo Dux, quid dulcis in pectore Ducis, officina mellis lo-  
quuntur apertius, quàm excelsum CLEMENTISSIMI PRIN-  
CIPIS animum, suavissimâ in subjectam sibi Franconiam Bene-  
ficiantâ*



ficentiâ circumfusum? Nidificans olim in Magni Ambrosii, ad-  
huc infantis, ore, examen apum, Divinam illam portendit Sa-  
pientiam, quâ non Mediolanensem solum sed Universam Eccle-  
siam eloquentissimus Antistes erudit. Jam pridem Amplissi-  
ma mens TUA, CELSISSIME PRINCEPS, in Alveare tran-  
sist, in quo omnem Sacrae politiorisque Sapientiae thesaurum,  
& quidquid ad Florentissimi Ducalis Episcopatus felicitatem  
magna illa Regendi ars vel invenire vel dictare potest, longo  
usu, infatigabili dexteritate non tam reconditum circumfers,  
quàm ad subditorum Tuorum delicias, libandum propinas.  
Toties profectò distillant labia Tua myrrham primam, aut fa-  
vum mellis, quoties in salutem Patriæ aut agis, aut loqueris,  
nec suum jam Italis Ambrosium, aut Bizantinis Chrysostomum  
invidet Franconia, quando Utriusque sublimes dotes & meri-  
ta, in CHRISTOPHORO FRANCISCO, &  
Præsule & Duce letabunda veneratur. Hunc autem melli-  
fluum Clementiæ Sapientiæque apparatus, non ut argumeto-  
sa Apis, Tuus Tibi solum labor & industria conquirit, sed Illu-  
strissima, ex qua gloriosè descendisti Stirps, cum Hutteniano  
Sanguine infudit. Est enim hac Antiquissima Familiæ præro-  
gativa & gloria, quod Principem dederit Imperio, Antisti-  
tem Ecclesiæ, qui alius nasci non potuit, nisi Clementissimus  
& Sapientissimus. Quod si enim REVERENDISSIMÆ CEL-  
SITUDINIS TUÆ Genealogicas Tabulas in proximis Gradi-  
bus vel celeri oculo percurro, sex omnino & viginti Eminen-  
tissimos, Reverendissimos & Celsissimos, Archi-Episcopos,  
Electores, Episcopos, Magnos Ordinis Teutonici Magistros &  
Principes Progenitoribus Tuis & Agnatis aut Consanguineis à  
Paternæ



Paternæ Maternæque Lineæ Familiis REVERENDISSIMÆ  
CELSITUDINI TUÆ Affines & Agnatos suspicio, qui sacram  
Tibi hereditario penè titulo transcripserunt Majestatem, sum-  
misque Infulis Pedisque Pontificiis implexam Pastoralem Leni-  
tatem infuderunt. Quodsi verò præteritorum temporum res  
gestas, & celebriores Imperii Romano-Germanici Aulas & E-  
ruditorum insuper Lyræa perlustro, Nativis splendoribus suis  
conspicui in oculos incurrunt, Ebrenci, Rudolphi, Friderici,  
Ludovici, Froemini, Luca, Huldrici, complurésque alii Hut-  
teniani Nominis stemmatisque Heroës Inclyti, quos intimo-  
rum conciliorum ac Provinciarum Præsides, Primos maximo-  
rum Electorum ac Principum in rebus arduis pertractandis Mi-  
nistros, editis quoque & Posteritati relictis omnigenæ eruditio-  
nis documentis Scriptores Illustres & Lectissimos, Viva quon-  
dam Scientiarum Nobiliorumque artium domicilia, Sapientiæ  
Sua non stillas aliquas, sed fontes integros in CELSISSIMUM  
Nepotem suum transfudisse admiramur. Quodsi proinde  
REVERENDISSIMÆ CELSITUDINIS TUÆ Imaginem,  
inter Majorum, Agnatorum, Progenitorumque Tuorum vul-  
tus, ceu inter minora, pariave sidera, solis Pælion colloca-  
tam liceret cernere, hanc unam epigraphen subscriberem:  
Divisa per omnes, in Te cuncta capis, & quæ divisa beatos  
efficiunt, collecta tenes. Quapropter mirum non est, si CEL-  
SISSIMUM CLEMENTISSIMUMQUE, ausim addere,  
Mellifluum Ducem, examen apum denso, sed submississi-  
mo ad obsequia agmine insequens, lemma, quod Modestissi-  
ma Magnanimitas Tua Nummo ac Api Symbolicæ subscripsit:  
Gregis amor Ducem fecit, paucis mutatis, affectu devo-  
tissimo



*tissimo apponat: Ducis amor, Gregem trahit. Trahit  
sanè ad perennem cultum venerationemque Tuam, trahit ad  
Nutus Clementissimæque imperia Tua; trahit ad tentandam,  
quantum par est, Virtutis & Sapientia imitationem. Stipato  
huic devotissimorum subditorum agmini, me quantumvis in-  
fimum minimûmque adjungo, nec sine prædâ & munere flo-  
rido, quod ex fecundissimo Jurisprudentia viridario collegi.  
Hoc pedibus advolvo Tuis REVERENDISSIMÆ & CELSIS-  
SIMÆ PRINCEPS, & si mel non est, quod in Aris & hostiis  
suis severa in Lege veteri Majestas Numinis aversabatur,  
Ceram tamen aut cereum Principalis Clementia Tuæ solio sub-  
sterno. Ardet hic humillimo affectu: ut luceat, suo Clemen-  
tissimo Patrocinio amutuque efficiet: Lucebit autem ardebit-  
que perpetui subjectissimique affectûs ignibus, cum vitâ fortu-  
nisque suis in Clementissimi Principis obsequiis consumendus.  
Quod profunde in terram inclinatus, cum ardentissimâ Lon-  
gævæ incolumitatis felicitatisque appreciatione, contestans,  
sum*

## REVERENDISSIMÆ CELSITUDINIS TUÆ

Servorum infimus, devotissimus &  
obsequentissimus

FRANCISCUS SEBALDUS SCHRODT,  
J. U. Cand.